



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

61. Arnoldus à Rothberg.

**urn:nbn:de:hbz:466:1-11463**

*Anno  
Christi*

Anno 1451. die 5. Ian. Fridericus  
Basileensis Episcopus è vivis subla-  
tus sedem alteri vacuam reliquit, in  
Cathedrali templo humatus.

# ARNOLDVS

à Rothberg, SS. Theol.  
Doctor.

1451.

*Basileensis Episcopus.*

*LXI.*

**A**Rnoldū à Rothberg Canonico-  
rum Basileensium jam ante De-  
curionem, 19. Ianuarij anni 1451. le-  
gitimis suffragiis ad Infulam voca-  
tum ad ferias Pentecostes consecrâ-  
runt Episcopi tres, Constantiensis,  
Argentoratensis, & Vormatiensis.  
Petierat à Nicolao V. sibi jus indul-  
geri exigendi pecunias pro diploma-  
tico signatorio & Episcopali tabula-  
rio, adiunctis etiam vacantium be-  
neficiorum per Diœcesin primitiis,  
quæ

quæ Basileense Concilium sustulerat. Respondit Nicolaus prudenter: si æquum esset, quod postulabat Arnoldus, opus non esse dispensatione ullâ: sin minus, id neutiquam à se decenter permitti posse aut debere. Arnoldus in suum commodum interpretatus Pontificis ambiguum responsum, petita liberè exigit; quandoquidem silentium Pontificis sat videretur indicare, quòd decretum Concilij nullam obligationem induceret. Eo verò colligendi pecunias studio collimabat Arnoldus, ut ædes Episcopales, aliâque ædificia ruinam minitantiâ instauraret. Quo perfecto opere nundinarium forum hæctenus frequentatum quotannis ad D. V. natæ & Dedicationis, pro foribus templi absque ulla sacrorum reverentia, in alium transtulit locum.

Subinde in Italiam profectum

anno  
Christi  
1451.

Fridericum Imperatorem maximo hominum numero, Basileenses Nobiles decem honorarij comitantur, celebri ritui præsentés futuri, quo Pontifex ad aram Divi Patri, Imperatori & coniugi coronam imperiet.

Circa hoc tempus, Mahometes Turcarum Tyrannus, Mahometicæ, ex quo cœperat, sectæ, anno 857. occupatâ Constantinopoli, Constantinum Palæologuni Imperatorem cum quadraginta Christianorum millibus immanitate barbara contrucidat, alterumque Aquilæ caput præscindit. Ea clades, ut creditur, Nicolao V. mortem acceleravit, anno 1455. Alphonsus Borgia Calixtus III. appellatus brevissimo tempore se Pontificem circumspexit, ac si Pontificatus præceps ad mortem decursus ipsi fuisset. Alphonsum secut<sup>9</sup> est in Pontificatu Æneas filivius

Silvius Piccolomineus, patria Senensis, mutato nomine cum vitæ conditione, Pius II. Is Cōcilio Basileensi postquam interfuit, legatus ad Fredericum Imperatorem missus, quia scientiarum insignissimâ peritia, in paucis clarus, ita gratus Cæsari accidit, ut eum Poëtam Laureatum pronuntiaret. Atque ut ipse de litteris & litteratis præstanter est meritus, ita rem Christianam validissimis contra Turcas expeditionibus instaurâset, si Principes Europæi sanctis eius conatibus obsecundassent, in quibus ipse ante belli Turcici initia vitam postea finiit. Sed & Arnoldus Basileensis, valetudinis imbecillæ, ut somni quietem caperet nocturnam, lectum petierat, & supremum obdormisse somnum repertus est 7. Maij 1458. ætatis 64. magno Civitatis gemitu sepultus in sacello templi Cathedralis Basileensis, ubi hodiéq;

Anno  
Christi  
1458

Anno  
Christi  
1491.

cuius cernitur epitaphium. Manuscriptum in tabulario nobilis Domini Beati à Reynach repertum in hunc sensum, Arnoidi obitum refert. Post exactum in Episcopatus curatione septennium, septimo Maij, pridie Ascensionis, spontaneo se maceraverat ieiunio pius Princeps. Cumque sub noctem quæsitâ in lecto quies refugeret oculos, & ægrum corpus, difficiles recipiens anhelitus, è strato profilit ad auram liberius captandam, suo à cubiculis famulo præmonito, ne ipse in sui gratiam cuiusquam somnum abrumperet. Verùm, cum nec sic remitteret fluida in fauces ac pectus humorum copia, quibus dudum conflatabatur, intercluso spiritu, post invocatam sensu tenerrimo Deiparæ Virginis opem, animam exhalat, non relicto Aulicis spatio, ut morienti tuo Principi ultima exhiberēt officia.